

## DUAIS-SPARÁNACHT CHOMHAIR ARTLINKS 2022

### TREOIRLÍNTE, CRITÉIR, COINNÍOLLACHA & NÓTAÍ AR AN BHFAISNÉIS IS GÁ I GCOMHAIR NA BHFOIRMEACHA IARRATAIS

Tacaíonn ArtLinks le forbairt ghairmiúil na gcleachtóirí cruthaitheacha, ar 18 mbliana d'aois agus níos sine iad, a chónaíonn i limistéir riaracháin na nÚdarás Áitiúil i gCeatharlach, i gCill Chainnigh, i bPort Láirge agus i Loch Garman agus a chomhlíonann na critéir chuí, mar a léirítear thíos.

### DÁMHACHTAIN CHOMHAIR ARTLINKS 2022

Is féidir le hEalaíontóirí Gairmiúla agus Ealaíontóirí Atá Ag Teacht Chun Cinn, ar baill iad d'ArtLinks, iarratas a dhéanamh ar Dhámhachtain Chomhair. Ní foláir nó go mbeidh na baill d'ArtLinks cláraithe roimh an 11/4/2022 d'fhonn a bheith intofa chun iarratas a dhéanamh ar an sparánacht seo. Cuir ríomhphost chuig [artlinks.ie@gmail.com](mailto:artlinks.ie@gmail.com) chun foirm iarratais bhallaíochta a iarraidh.

- Is éard is aidm leis an ndámhachtain seo ná a thuilleadh comhair a spreagadh idir ealaíontóirí ar fud na gcontaetha de chuid ArtLinks agus tacú le healaíontóirí a fhéachann lena gcleachtas agus lena líonraí réigiúnacha a fhairsingiú.
- Ní foláir nó go gcuimseoidh dámhachtain comhar idir ealaíontóirí ó dhá cheann nó níos mó de na contaetha de chuid ArtLinks ó thaobh saothar nua a forbairt, agus é sin le bheith curtha os comhair an phobail in dhá cheann nó níos mó de na contaetha de chuid ArtLinks.
- Ní foláir nó go mbeidh an fáth forbarthach leis an gcomhar seo follasach sa togra agus tabharfar tús áite do chomhair atá déanta as an nua nó déanta le déanaí de rogha ar chomhair leanúnacha.
- Is é an luach iomlán a bheidh ar an ndámhachtain ná suim suas le €10,000.

### Chun cáiliú don dámhachtain seo, ní foláir d'ealaíontóir na critéir seo thíos a chomhlíonadh.

- Ní foláir do na hiarratasóirí go léir a bheith ina gcónaí faoi láthair i limistéir riaracháin na nÚdarás Áitiúil i gCeatharlach, i gCill Chainnigh, i bPort Láirge nó i Loch Garman le 2 bhliain anuas ar a laghad agus a bheith ina mbaill chláráithe d'ArtLinks.
- Iarrtar go gcuirfidh treoir-chleachtóir an t-iarratas faoinár mbráid thar ceann an ealaíontóra eile (nó thar ceann na n-ealaíontóirí eile) ar an nDámhachtain Chomhair.
- Féadfaidh an Comhar a bheith comhdhéanta d'Ealaíontóirí Gairmiúla agus/nó Ealaíontóirí Atá Ag Teacht Chun Cinn. Ní foláir Ealaíontóir Gairmiúil a bheith ainmnithe mar threoir-ealaíontóir agus caithfidh sé nó sí an t-iarratas a chur faoinár mbráid.
- Tabharfar tús áite d'Iarratasóirí nua.
- Thairis sin, ní foláir do gach ball den chomhar Curriculum Vitae pearsanta reatha a chur faoinár mbráid sa cháipéisíocht tacaíochta.
- Caithfidh dhá thoradh ar a laghad a bheith ann go poiblí (mar shampla: taispeántas, ceolchoirmeacha, léamh agus taibhsiúcháin) de shaothar nua ag eascairt as an nDámhachtain Chomhair seo, agus iad ag tarlú in dhá cheann nó níos mó ná sin, de na contaetha de chuid ArtLinks.

- Ní foláir nó go dtarlóidh na tionscadail sna limistéir riaracháin de chuid ArtLinks agus/nó ní foláir nó gur díol suntais ar leith iad i dtaobh an limistéir riaracháin de chuid ArtLinks.
- Ba chóir go dtarlódh na torthaí seo laistigh de thréimhse 1 - 2 de bhlianta tar éis dámhachtain a fháil
- Ní foláir nó go gcuirfear in iúl d'oifigí ealaíon na n-údarás áitiúil, a bheidh ag baint le hábhar, agus d'ArtLinks faoi na himeachtaí seo, mar aon leis an dtacaíocht ó ArtLinks agus lógónna ArtLinks a bheidh ar áireamh i ngach caidreamh poiblí agus i ngach cáipéisíocht.

Ní hé atá i gceist anseo ach próiseas ar líne agus is é an t-aon seoladh amháin i gcomhair na n-iarratas ná [artlinks.ie@gmail.com](mailto:artlinks.ie@gmail.com).

Ní dhéanfar próiseáil ar iarratais a chuirfear go dtí seoltaí ríomhphoist na nOifigí Ealaíon.

- Tá cáipéis PDF amháin faoi bhun 10MB intofa chun a curtha faoi bhráid [artlinks.ie@gmail.com](mailto:artlinks.ie@gmail.com)
- NÍ FOLÁIR an t-ábhar tacaíochta ar fad a chur san áireamh leis an PDF agus é a chur i gceangal le teachtaireacht ríomhphoist AMHÁIN.
- Diúltóidh ár mBalla Dóiteáin do Ríomhphoist ar mó ná 10MB iad.
- Ar d'iarratas a fháil, ní dhéanfimid ach é a admháil.

Tabhair faoi ndeara: Ós rud é go bhfuil slándáil an-dhocht i bhfeidhm againn, ní féidir linn ábhar a íoslódáil ó thairseacha eachtracha, is iad sin: Google docs.

BEIDH IARRATAIS DHÉANACHA AGUS IARRATAIS NEAMHIOMLÁNA (CODANNA GAN A BHEITH LÍONTA/GAN NA HÁBHAIR CHUÍ THACAÍOCHTA GO LÉIR A BHEITH FAOI IAMH) NEAMH-INTOFA

**Mura gcloíonn tú leis na riachtanais seo thuas, ní ghlacfar le d'iarratas i gcomhair breithniúcháin.**

**Is é an dáta deiridh a nglacfar le hiarratais ná Dé Máirt, an 19 Aibreán 2022 ar 5 i.n.**

Ní dhéanfar próiseáil ar iarratais dhéanacha agus ní bhreithneofar iarratais chúlghabhálacha.

CUIMHNIGH AR:

- Lipéad a chur ar gach ábhar a áirítear leis an iarratas.
- Do dhóthain ama a ligint chun an t-iarratas a chríochnú, chun na comhaid a chumasc agus chun an t-iarratas a chur tríd an ríomhphost faoin ndáta deiridh.
- **A chinntiú go n-osclaíonn/go n-oibríonn/gur féidir teacht go héasca ar, gach ábhar tacaíochta. Más amhlaidh nach n-osclaíonn/nach n-oibríonn an t-ábhar tacaíochta, meastar é a bheith neamh-intofa. Ní bheidh sé seo á phromhadh againn nuair a chuirfear iarratas faoinár mbráid, luíonn an fhreagracht iomlán as seo ar an iarratasóir.**

## MEASÚNACHT AR IARRATAS

Is ar an méid seo a leanas a bhunófar an mheasúnacht ar na hiarratais:

- Cuimsitheacht na foirme iarratais
- Léiriú an chumais chun an tionscadal a bheartú agus a chur i bhfeidhm go rathúil agus torthaí a sheachadadh go poiblí in dhá cheann ar a laghad d'Údarás Áitiúla de chuid ArtLinks.
- Fianaise ar chineál forbarthach an chomhair agus ar ábharthacht an chomhair do na cleachtais ealaíonta reatha.

- Miondealú agus Bainistiú ar an mBuiséad
- Tairbhí inláimhsithe ón nDámhachtain
- **Tabhair faoi ndeara: Ní foláir na foirmeacha iarratais a líonadh go hiomlán. Ní bhreithneofar iarratais neamhiomlána ná iarratais dhéanacha.**

## SAGHSANNA EALAÍNE

Is iad na Saghsanna Ealaíne lena dtacaímid ná: Ailtireacht, Sorcas, Rince, Scannánaíocht, Litríocht, Ceol, Ceoldrámaíocht, Na hEalaíona Sráide, Amharclannaíocht, Na hEalaíona Traidisiúnta, Na hAmharc-Ealaíona.

## COINNÍOLLACHA

**Is ar choinníoll atá na tairiscintí go léir de Dhuais-Sparánachtaí ArtLinks agus táid faoi réir fianaise a bheith faighte le comhlíonadh choinníollacha na Sparánachta.**

1. Ní ceadmhach an maoiniú a thairgtear a úsáid ach chun na gcríoch a shonraítear san iarratas.
2. Ní foláir dámhachtain a chaitheamh laistigh den tréimhse shonraithe.
3. Má lamháiltear deontas i dtaca le tionscadal ar leith, ní bheidh ArtLinks freagrach as árachas a chur ar fáil i leith an tionscadail sin. Molann ArtLinks go gcuirfear árachas leordhóthanach i bhfeidhm sula gcuirfear tús le haon chomharthionscadal.
4. Má athraítear an tionscadal nó má chuirtear é ar athló nó ar ceal – go hiomlán nó i bpáirt – ní foláir teangmháil a dhéanamh leis na hOifigí Ealaíon a bhaineann le hábhar chun an gnó a phlé.
5. Ní foláir cion ArtLinks agus cion na nÚdarás Áitiúil Comhpháirtíochta a admháil i ngach ábhar bolscaireachta, preaschaidrimh agus margaíochta a thairgtear maidir leis an bhfiontar nó maidir leis an imeacht. Tá cóipeanna de na lógónna seo ar fáil ach iad a iarraidh.
6. Ní foláir cóipeanna de na hábhair go léir a thairgtear a chur go dtí na hOifigí Ealaíon a bhaineann le hábhar.
7. Ní foláir tuarascáil mheastóireachta ar an gcomharthionscadal a chur faoi bhráid na nOifigí Ealaíon a bhaineann le hábhar laistigh de thréimhse dhá mhí dhéag i ndiaidh an sparánacht a fháil.

## FAISNÉIS IS GÁ MAIDIR LE HIARRATAS AR SPARÁNACHT ARTLINKS

- Foirm Iarratais ar Dhámhachtain Chomhair atá líonta go hiomlán
- Ráiteas Leasa
- Mionchur síos ar do thogra, ar deighilt ón bhfoirm iarratais
- Ábhar breise chun tacú leis an iarratas, mar shampla: íomhánna, naisc, srl.
- Curriculum Vitae Reatha atá le cur faoinár mbráid ag gach ball den chomhar.

## PRÓISEAS AN CHINNIDH AR AN SPARÁNACHT

- Dícháileofar an t-iarratasóir a lorgóidh fabhar ó bhail d'ArtLinks, ón bhfoireann de chuid ArtLinks nó ó fhoireann Oifige Ealaíon nó dícháileofar an t-iarratasóir más amhlaidh a lorgóidh duine eile fabhar dá leithéid thar ceann an iarratasóra sin.

- Forchoimeáidann ArtLinks an ceart chun Dámhachtain Chomhair ArtLinks a dháileadh de réir mar a mheastar a bheith cuí.
- Forchoimeáidann ArtLinks an ceart, faoina rogha féin, gan sparánachtaí a dhámhachtain.
- Is cinní críochnaitheacha a bheidh sna cinní de chuid ArtLinks agus ní ghlacfar páirt in aon chomhfhreagras ina dtaobh.

## DÁMHACHTAIN CHOMHAIR ARTLINKS A BHRONNADH

Tabharfar sonraí d'iarratasóirí rathúla ina Litir Thairisceana ón Oifig Ealaíon is cuí dóibh faoi na socruithe ó thaobh a gcuid sparánachta a íoc. Beidh gá le tuarascáil ar úsáid na dámhachtana ag an ndeireadh.

## SAORÁIL FAISNÉISE

Deineann na hOifigí Ealaíon Comhpháirtíochta de chuid ArtLinks comhordú ar riarachán na Dámhachtana seo thar ceann ArtLinks. Dá réir sin, geallann na hOifigí Ealaíon Comhpháirtíochta go léir go ndéanfaidh siad gach dícheall chun aon fhaisnéis uait san iarratas seo a choinneáil faoi rún, ach é sin faoi réir na ndualgas a bhíonn ar an gComhairle de réir dlí, agus na hAchtanna um Shaoráil Faisnéise 1997 agus 2003 san áireamh. Má mheasann tú nach cóir cuid den fhaisnéis uait san iarratas seo a nochtadh mar gheall ar íogaireacht na faisnéise sin, is cóir duit, agus an fhaisnéis á cur ar fáil agat, an fhaisnéis sin a shainiú agus na fáthanna le híogaireacht na faisnéise a shonrú. Raghaidh d'Oifig Ealaíon i gcomhairle leat faoin bhfaisnéis íogair seo sula ndéanfar aon chinneadh ar aon iarraidh Saorála Faisnéise a bheidh faighte. Má dheintear an cinneadh go scaoilfear faisnéis áirithe uaitse, beidh sé de rogha agat achomharc in aghaidh an chinnidh a dhéanamh chun an Choimisinéara Faisnéise. Tabhair faoi ndeara, le do thoil, gur dócha go ndéanfar faisnéis a scaoileadh mar fhreagra ar iarraidh faoi na hAchtanna um Shaoráil Faisnéise, mura mbíonn an fhaisnéis sin sainithe agat mar fhaisnéis íogair, mar aon le fáthanna tacúla.

## NÓTA AR SRIANTA COVID 19

Ba chóir go mbunófa do thogra tosaigh ar an gcomhairle ab fhearr agus ar an dtreoir ab fhearr a bheadh ar fáil nuair a bheadh an t-iarratas á dhéanamh agat. Ba chóir duit féachaint chuige go mbeadh an méid a bheadh á mholadh agat indéanta nó inoiriúnaithe dá mbeadh an scaradh sóisialta agus/nó bearta eile ó thaobh na sláinte poiblí de ag dul i bhfeidhm ar an dtréimhse ar fad nó ar chuid den tréimhse lena mbainfeadh an togra seo. Dá n-éireodh le d'iarratas, agus dá mbeadh ort ina dhiaidh sin athrú nó coigeartú a dhéanamh ar an dtogra ar fad nó ar chuid den togra de bhun athrú a bheith déanta ar chomhairle na sláinte poiblí, i dtaca le do phlean teagmhais, ba chóir duit teangmháil a dhéanamh leis an Oifig Ealaíon roimh ré chun é seo a phlé.

Aithníonn an Oifig Ealaíon, anois níos mó ná riamh, go mbíonn gá ag ealaíontóirí le tacaíocht agus is maith is eol dúinn gur féidir go dtiocfaidh athrú ar do phleananna – mar sin féin, dein deimhin, le do thoil, go bhféadfaidh tú a oiread eolais agus is féidir leat a chur ar fáil i do phlean teagmhais ar eagla go dtiocfaidh athrú ar an méid a bhíonn beartaithe agat mar gheall ar chúrsaí gan choinne i mbliana.

Tá a thuilleadh eolais ar Threoir na Sláinte Poiblí le fáil ar láithreán gréasáin Fheidhmeannacht na Seirbhíse Sláinte agus ar láithreán gréasáin an Rialtais agus is minic a chuirtear inneachar na láithreán sin bord ar bhord

leis an eolas is déanaí.

<https://www.gov.ie/ga/>

<https://www2.hse.ie/gaeilge/>

## NÓTAÍ CHUN D'FHOIRM IARRATAIS A LÍONADH

- Léigh gach ceist go mion sula bhfreagróidh tú iad.
- Cuimhnigh gur féidir go mbeidh roinnt áirithe daoine gafa sa chinnteoireacht. Dein d'iarratas soiléir, gonta, gan débhrí agus soláimhsithe.
- Bí cúramach faoin ábhar a chuirfidh tú faoinár mbráid. Is fearr níos lú a chur isteach de rogha ar shaothar nach mbaineann, dar leat, le barr do mhaitheasa a áireamh. Cuimhnigh go bhfuil tú ag iarraidh áiteamh ar dhaoine maidir le cad ina thaobh gur cóir do thogra a mhaoiniú.
- Ná dein talamh slán de go bhfuil aithne ag daoine ar do shaothar - pléigh leis an iarratas amhail is más é an chéad cheann uait é.
- Cuimhnigh go ndéanfar d'iarratas a mheas ar bhonn na sonraí go léir a sholáthrófar laistigh de chomhthéacs iomaíoch na n-iarratas líonmhar eile.
- Cuir faoi ndeara do dhuine eile, duine atá ag obair i do dhisciplín, b'fhéidir, súil a chaitheamh ar d'iarratas roimh duit é a sheoladh isteach.
- Tabhair dea-shamplaí agus dea-mhacasamhla de do shaothar agus/nó naisc ábhartha ar líne.
- Bíodh tuiscint shoiléir réadúil agat ar cad a theastaíonn uait agus cé mhéid airgid a chosnaíonn do thogra.
- Cuir amlíne ar fáil i gcomhair an tionscadail, más cuí sin.
- Beartaigh d'iarratas in am trátha roimh ré.
- Coinnigh cóip de d'iarratas chun críocha tagartha.
- Dícháileofar ón bpróiseas thú má lorgáítear fabhar in aon chor.

## NA CODANNA DEN BHUISÉAD A CHRÍOCHNÚ

**Tabhair cur síos ar gach foinse ioncain atá ábhartha don tionscadal/ghníomhaíocht atá beartaithe agat. Táthar ag súil leis go bhfaighidh tú 10% ar a laghad ó fhoinsí eile.**

- Is éard is brí le **hloncam Príobháideach** ná d'acmhainní féin, is iad sin do thuilleamh féin atá tú sásta a chaitheamh ar an ngníomhaíocht seo.
- Is éard is brí le **hloncam Tuillte** ná ioncam ón saothar ealaíne a dhíol srl.
- Is éard is brí le **hloncam Comhchineáil** ná seirbhísí nó earraí a thairgtear duit, is é sin: má bhíonn duine sásta póstaear a dhearadh duit saor in aisce, fíon a thabhairt i dtaca leis an réamhléiriú srl. Is é luach an 'loncain Chomhchineáil' seo ná an praghas a bheadh ar an tseirbhís sin dá mba rud é nár tairgeadh duit í saor in aisce.

- Is éard is brí le **hloncam Eile** ná airgead atá dáfa duit ó eagraíochtaí eile, ó urraitheoirí eile srl.
- Is éard is brí leis an **Méid atá á iarraidh ó ArtLinks** ná an méid airgid ó ArtLinks atá ag teastáil uait chun tabhairt faoin ngníomhaíocht seo.

#### Tabhair miondealú de na costais go léir lena bhfuiltear ag súil, is féidir go gcuimseoidh sé seo:

- Táillí ealaíontóra mar aon le neas-mhiondealú d'uaireanta an chloig.
- Forchostais agus costais riaracháin a bhaineann go díreach leis an dtionscadal/ngníomhaíocht seo
- Costais taistil a bhaineann le do thionscadal/ngníomhaíocht agus tabhair sonraí
- Ábhair ar féidir gur gá duit iad a cheannach go háirithe chun tabhairt faoin dtionscadal seo, ach tabhair faoi ndeara nach maoinimid trealamh
- An costas a bhaineann le haon torthaí poiblí
- Fógraíocht, Caidreamh Poiblí
- Meastóireacht/cáipéisíocht ar do thionscadal
- Costais eile a bhaineann go sonrach le do thogra

#### CÁIPÉISÍOCHT TACAÍOCHTA

Ceanglaítear ort ábhar tacaíochta a áireamh le d'iarratas. Ní ghactar ach le hiarratais ar líne (10 MB ar a mhéad in aghaidh an iarratais). Is féidir go gcuimseoidh sé seo íomhánna, bileoga, bróisiúir, téacsanna, giotáin fuaime, tras-scríbhinní (4 leathanach ar a mhéad), nasc físe.

- 12 íomhá stadáin ar a mhéad (PDF nó jpeg amháin) – agus lipéad soiléir ar gach ceann acu.
- Nasc Spóil Taispeántais Físe (YouTube nó Vimeo), glactar le cinn dar fad ama 6 nóiméad ar a mhéad
- Ní foláir Clár an Ábhair maidir leis an ábhar tacaíochta, agus é lipéadaithe go soiléir, a bheith san áireamh leis an iarratas tacaíochta.

#### BOTÚIN CHOITIANTA

- Gan aon fhoirm iarratais curtha faoinár mbráid
- Buiséad neamhiomlán nó miondealú easnamhach de na costais sa bhuiséad (is é sin, miondealaigh na costais go léir, le do thoil).
- Codanna bána ar an bhfoirm iarratais - mura bhfuil ceist cuí duit, cuir 'Níl Bainteach' uirthi.
- Gan samplaí de do shaothar féin a bheith ann. Ní féidir measúnacht a dheanamh ar iarratas in éagmais samplaí de do shaothar.
- Gan dóthain eolais a bheith ann - ní bheidh aon bhonn againn le moladh a dhéanamh.
- Droch-shamplaí / saothar curtha i láthair go dona / droch-cháipéisíocht.
- Saothar dá bhfuil droch-ghrianghraif glactha (mar shampla: saothar ealaíne a bhfuil grianghraif faoi dhrochshoilsíú glactha de, go háirithe suiteáin)
- Gan aon liosta de cháipéisíocht tacaíochta a bheith ann: Mar shampla nuair atá saothar na n-amharc-ealaíontóirí á mheas, is féidir easpa liosta de cháipéisíocht tacaíochta a bheith mar shiocair le mearbhall faoi thoisí, faoi mheáin agus faoi chomhthéacs. Thairis sin, mura sainítear na rianta ar CDanna ceoil, DVDanna

scannáin ar cóir éisteacht leo nó féachaint orthu, is féidir é sin a bheith mar shiocair freisin le mearbhall ar na measúnóirí a bhíonn ag athbheithniú do shaothair srl.

- An iomad sonraí nach bhfuil ábhartha (mar léirmheasanna). Bí cúramach faoina bhfuil á chur isteach agat.
- Samplaí den seansaothar amháin – is suim linn seansaothar agus saothar reatha araon, lena n-áirítear íomhánna/líníochtaí de na suiteáin, den tionscadal nó den imeacht a bheartaíonn tú